
OFFERYNNAU STATUDOL CYMRU

2009 No. 2818

**Gorchymyn Gweld Ystadegau Swyddogol
cyn eu Rhyddhau (Cymru) 2009**

Ystadegau y mae'r rheolau a'r egwyddorion ynghylch gweld ystadegau cyn eu rhyddhau yn gymwys iddynt

3.—(1) Yn ddarostyngedig i baragraff (4), mae'r Atodlen yn gymwys i'r ystadegau y cyfeirir atynt ym mharagraff (3).

(2) At ddibenion y Cod, mae'r Atodlen yn darparu ar gyfer rheolau ac egwyddorion ynglŷn â chaniatáu i'r ystadegau hynny gael eu gweld cyn eu rhyddhau(1).

(3) Yr ystadegau yw ystadegau swyddogol(2) sydd yn gyfan gwbl yn ystadegau datganoledig Cymru(3) ac—

- (a) sydd wedi'u dynodi'n "Ystadegau Gwladol" o dan adran 12(2) o'r Ddeddf, heb i'r dynodiad hwnnw gael ei ddileu;
- (b) y bernir yn rhinwedd adran 12(8) o'r Ddeddf eu bod wedi'u dynodi'n "Ystadegau Gwladol", heb i'r dynodiad hwnnw gael ei ddileu; neu
- (c) y mae cais o dan adran 12(1) o'r Ddeddf wedi'i wneud mewn perthynas â hwy, heb i benderfyniad gael ei wneud o dan adran 12(2) o'r Ddeddf.

(4) Nid yw'r Atodlen yn gymwys pan gaiff yr ystadegau eu rhyddhau dim ond er mwyn i gyhoeddiad electronig neu gyhoeddiad copi caled y bwriedir cyhoeddi'r ystadegau ynddo gael ei gynhyrchu.

(1) Diffinnir "gweld ystadegau cyn eu rhyddhau" ("*pre-release access*") yn adran 11(8) o Ddeddf Ystadegau a'r Gwasanaeth Cofrestru 2007 p. 18 ("y Ddeddf").

(2) Diffinnir "ystadegau swyddogol" ("*official statistics*") yn adran 6(1) o'r Ddeddf.

(3) Diffinnir "ystadegau datganoledig Cymru" ("*Welsh devolved statistics*") yn adran 66(3) o'r Ddeddf.